

URDHËR
Nr. 43, datë 5.2.2018

**PËR DETYRIMIN E TREGTIMIT DHE REGJISTRIMIT TË TË GJITHA
PRODHIMEVE TË PESHKIMIT NË QENDRAT E GRUMBULLIMIT DHE ANKANDIT
TË PRODHIMEVE PESHKORE NË SHIROKË DHE ZOGAJ NË LIQENIN E
SHKODRËS**

Në mbështetje të pikës 4 të nenit 102 të Kushtetutës, pika 1 e nenit 112 të ligjit 64/2012, “Për peshkimin”, i ndryshuar, pikës 78 të vendimit të Këshillit të Ministrave nr. 407, datë 8.5.2013, “Për përcaktimin e një regjimi kontrolli për të garantuar respektimin e rregullave të politikave menaxhuese në peshkim” dhe pikës 2, të nenit 40 të rregullores nr. 1, datë 7.3.2014, “Për zbatimin e ligjit nr. 64, datë 31.5.2012, “Për peshkimin”, të ndryshuar,

URDHËROJ:

1. Zëniet e kryera me rrjeta dhe grepa në Liqenin e Shkodrës të zbarkohen dhe tregtohen fillimisht në qendrat e grumbullimit dhe ankandit të OMP Shkodër, të ndodhura në Shirokë e Zogaj, të regjistruara pranë autoriteteve kompetente veterinare, sipas ekstraktit të QKL, nr. Ln-2928-02-2011.

2. OMP Shkodër, e cila ka në administrim qendrat Shirokë dhe Zogaj, të përgatisë dokumentacionin e shitjes së parë, sipas kërkesave të kreut VII, “Peshimi i prodhimeve të peshkimit”, të vendimit të Këshillit të Ministrave nr. 407, datë 8.5.2013, “Për përcaktimin e një regjimi kontrolli për të garantuar respektimin e rregullave të politikave menaxhuese në peshkim”.

3. OMP Shkodër është objekt kontrolli nga inspektorati i peshkimit sipas pikës 1 të nenit 109 të ligjit 64/2012, “Për peshkimin”, të ndryshuar.

4. Për zbatimin e këtij urdhri ngarkohet OMP Shkodër, Drejtoria e Përgjithshme e Politikave të Bujqësisë, Sigurisë Ushqimore dhe Zhvillimit Rural në MBZHR dhe DSHPA.

5. Urdhri i ministrit nr. 349, datë 29.4.2011, “Për detyrimin e tregtimit dhe regjistrimit të të gjitha prodhimeve të peshkimit në qendrat e grumbullimit dhe ankandit të prodhimeve peshkore në Shirokë dhe Zogaj në liqenin e Shkodrës”, shfuqizohet.

Ky urdhër hyn në fuqi menjëherë dhe botohet në Fletoren Zyrtare.

MINISTRI I BUJQËSISË DHE ZHVILLIMIT RURAL
Niko Peleshi